

Zeitschrift: Il glogn : calender dil pievel : annalas per historia, litteratura e cultura romontscha

Band: 15 (1941)

Artikel: Las alps de Ladir

Autor: [s.n.]

DOI: <https://doi.org/10.5169/seals-881184>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 16.07.2025

ETH-Bibliothek Zürich, E-Periodica, <https://www.e-periodica.ch>

a Diu per la buna stad e la biala raccolta; quei numnein nus „trer ad alp“. — Prest suenter la cargada ha liug la benedicziun dell’ alp entras il plevon. Per bonificaziun survegn el 3 funds pischada ed in past d’ alp. La fiasta de Nossadunna d’ uost serenda il signun el vitg ed ei hosp digl augsegner. — La baselgia parochiala obtegn annualmein 27 funds pischada dall’ alp communalia.

L’ alp de Pitasch

Davart quell’ alp vegn scret a nus da Pitasch:

Pitasch ha ina sulett’ alp, che vegn cargada cun vaccas. Ell’ ei alp de vischernaunca e se-numna Alp dado. Aunc avon 30 onns vegneva era il Cugn cargaus cun vaccas e genetschas. Sill’ alp dado vegn ei cargau ca 40 vaccas; el Cugn vegnev’ei cargau pli baul 18—20 vaccas e 5—6 genetschas. Avon onns vegneva l’ Alpetta, che confinescha culla alp dado, cargada cun stiarls. Oz vegn ina part dell’ Alpetta pasculada dallas vaccas della Alp dado. Il diember variescha denter 35—40.

L’ Alp de nuorsas, che cumpeglia era il sura numnau Cugn, vegn cargada cun 800 tocs; per la gronda part per outras vischernauncas; principalmein nuorsas de Riein e Sevgein. Midadas ha l’ alp de Pitasch neginas.

Fumeglia havein nus in signun cun ina paga de 400—450 frs.; in zezen cun 160 ed in cavrer cun 80 frs. Dapi 3—4 onns vegn ina part dellas cauras cargadas ad alp; duront che las otras van cun cavrer de casa. L’ alp posseda ina tegia, duas stallas ed in camon de piertg. Pors vegn ei cargau ca 15. Quels pagan frs. 1.50 per l’ jarva; 50 cts. alla chischada. Ultra de quei vegn ei quintau sin mintga kilo pischada 8 cts. e quei importo tagliau sils s. h. pors. — Igl arvè per ina vacca ei 7 frs.

Misereria e pugniera vegnan il di della scargada ornadas dalla fumeglia cun matgs e tschupials e catschadas ordavon giu els cuolms. Essend nos cuolms mo ina mes’ ura sut l’ alp, ha quella neginas untgidias. — Il purment vegn menaus cul gurvèt sin sliusa ni era targliun. Plema e cogna ein svanidas, dapi ch’ ei exista mo in’ alp pli. Lavurs cuminas dat ei pauc pli: in di schubergiar la pastira ed in di menar ora grascha e schuar.

Il november vegn ei tagliau pustretschi. Tschels onns fuva quei ina biala fiasta. Mintga pur prendeva ina buccada paun cun el. Dalla chischada vegnev’ ei cumprau 1 kilo pischada frestga ed in cert quantum vinars. Quel sligiava las lieungas, aschia ch’ ei deva veta; enqualga era dispetas.

A muntanar va il cautegia il di avon la scargada, assistius dad in ni dus auters purs. Las veglias bunas tratgas, sco turmantuc, tschagrun barsau ed il renomau spitg ein ussaton sco bandischadas. Igl usit ded ir a mesiras ei aunc semantenius sco in’ umbriva. Mesirau vegn ei sil pli, qual ha il meglier stumi.

Suenter haver regulau ils trutgs e fatg las seivs en loghens prigulus vegn ei „fatg mesiras“ — marendau da forza! — Da detgas e praulas negin che seregorda pli. —

Las alps de Ladir

Davart las alps de Ladir vegn a nus relatau:

Tochen ils 15 de zercladur 1583 possedevan e gudevan ils de Ladir ed ils de Schnaus lur alps de cuminanza. Quei onn han ei partgiu e mess tiarms. Pli baul fuvan Ruschein, Ladir e Schnaus mo ina vischernaunca, ed ei vegn pretendiu ch’ els possedevien tut communabla-mein. Aunc pli da vegl udevi era Siat tier las sura treis vischernauncas.

Ladir posseda oz duas alps: 1) La Muotta, che vegn cargada cun ca 60 vaccas e 20—30 vadials. 2) L’ alp dadens, uss in’ alp per mugias e genetschas; cargada cun ca 90 tgaus. La pastira de casa savess era vegnir numnada alp. Ella schai gie en in’ altezia de 1350—1600 m. Sin pastira ein las vaccas de casa (uonn 10 vaccas) ed ils vadials plitost

serudens — entuorn 30. Quels ein era la notg — cun excepziun dils pli giuvens — el liber. Tuttas alps ein possess della vischerna. — Midadas han ins neginas pli; avon 30 onns aunc mavan las vaccas della Muotta per 15 dis treis jamnas ell' Alp dadens. — La Muotta ha quater fumegls: in signun, zezen, paster e buob; l' Alp dadens in um ed in buob. L' alp ha ina tegia de lenn, fatga ord quaders tagliai; l' Alp dadens ha treis ficers; la Muotta ha aunc in nueglet per biestga malsaua. Omisduas alps han agen uaul; quel survescha era per untgida en cass de neiv.

Administraturs dell'alp ein: igl ugau d'alp, che vegr elegius mintga dus onns culs suprastonts della vischerna ed in cautegia. Cautegia sto mintga pur, che carga vaccas, far en roda. Pugniera e miseriera portan matg il di della scargada.

Ladir posseda ina biala via carrabla entochen el stavel de vaccas. Il purment vegr transportaus a casa cun carr della via giu, ni era sin sliusets da maun dals cuolms giu. — Ils necessaris migliuraments vegrnan fatgs en lavur cumina. Il stavel vegr lavaus ora min-tga 12—15 dis.

Il pustretsch vegr tagliaus sillla biestga. Taxas: Per ina vacca 4 frs.; per ina genetscha 2 frs.; per ina mugia 1 fr. Ils domiciliai pagan ina tiarza depli.

In pèr dis suenter la cargada vegrnan las alps benedidas dal plevon dil liug. — Pli baul vegnev' ei detg rusari duront il lavar giu ils curtès; ussa buca pli.

En in' alp de Ladir sesanfla „la paliu dellas mattauns“. Tgei la detga di de quella paliu mo paucs pli che seregorian. Ei para denton, ch' ei devi enqual stria denter las mattauns de Ladir. — Ina ga — da quater tempras — ch' ei vevien puspei lur sera de barlot, hagi in pastur, mond speras ora, fatg l'enzenna della s. crusch sur la pastira vi e sin quei seigien ina partida mattauns de Ladir sfundradas tocca culiez el tratsch. Dapi lu seigi quei toc pastira vegrnida numnada „las palius dellas mattauns“.

Las alps de Luven

da Luzi Dalbert, v. scolast.

Luven posseda duas alps de vaccas sin territori de Sursaissa: Mundaun (quels de Sursaissa dian „Der Stein“) e Garveras. Quei ei alps privatas, pia cun dretgs. Mundaun ha 63 e Garveras 64 dretgs. Ei vegr cargau vaccas, mo enstagl sa era vegrir cargau schetgs; quei daventa denton en pign diember. Ultra de quellas alps possedan privats de Luven era dretgs sill' alp „Tegia miez“. La gronda part de quell' alp apparteneva pli baul a privats de Glion; dapi entgins onns a tals de Vella. Gia alla fin dil tschentaner vargau han quellas alps baghiau stupents cuviarts ni sustas per la biestga armentiva e s. h. pors, che vegrnan era cargai leu. Dapi lu resta la tegia demaneivel dil cuviert, ferton che quella vegneva ruchiada pli baul, per saver engarschar meglier l' alp. Ussa vegr il cultem menaus ora sin l' alp e ladaus. Per quei motiv vegr ei buca pli lavau ora stavel. Nossas alps ein probabel las empremas el Grischun, che han baghiau stupents cuviarts tenor plan de personal technic. Lu procurava mintgamai igl ingenieur districtual quei; ussa ei quei il pensum digl ingenieur cantonal de cultura.

Garveras ha cumprau in grond cuolm (per far fein) ed ha era fatg avon varga 20 onns ina drenasca per in tschuppel melli francs. Tschessada, resp. untgida, han quellas alps negina. Garveras ha via carrabla tochen sum, ferton ch' il purment de Mundaun vegr menaus cun sliusa dals cuolms ora. La lenna de diever (de baghiar) per tegia e truasch — mo buca pils cuviarts — e quella de brisch sto la vischerna de Sursaissa furnir. Las alps sezzas han negin uaul. Mintgamai 4 dretgs han de far cautegia. Quel ha de mirar per la fumeglia: in signun, in zezen, in paster ed in buob. Il cautegia ha d'haver quitau per l' alp; el cloma denter auter ensemens i ls alpagauans (pursanavels) igl atun per „tagliar pustretsch“ ed incassar quel.

La vischerna de Luven posseda era in' alp ni pastira cul num Ligneida si S. Carli,